



Adresa: **Ul. Hamdije Čemerlića 39a**
71000 Sarajevo
<http://www.voda.ba>

tel. +387 33 726 400
fax. +387 33 726 423
e – mail: info@voda.ba

Broj: **UP-1/21-3-40-392-4/22**

Datum: **06.08.2022. godine**

«Agencija za vodno područje rijeke Save» Sarajevo rješavajući po zahtjevu pravnog lica «BH FISH» d.o.o. Živinice za donošenje rješenja o vodnoj dozvoli za aktivnost koja može privremeno ili trajno degradirati kvalitet voda ili ometati poboljšanje njihovog postojećeg kvaliteta u postupku rada objekta za preradu ribe u naselju Maline, grad Živinice, na osnovu člana 109. stav (2) tačka 1. Zakona o vodama («Službene novine Federacije BiH», broj 70/06) i člana 200. stav (1) Zakona o upravnom postupku («Službene novine Federacije BiH», broj 2/98, 48/99 i 61/22), donosi

RJEŠENJE **o vodnoj dozvoli**

1. Pravnom licu «BH FISH» d.o.o. Živinice daje se vodna dozvola za aktivnost koja može privremeno ili trajno degradirati kvalitet voda ili ometati poboljšanje njihovog postojećeg kvaliteta u postupku rada objekta za preradu ribe, izgrađenog u naselju Maline, na zemljištu označenom kao k.č. broj: 1053/3, K.O. Spreča, grad Živinice.
2. Ova vodna dozvola se odnosi isključivo za aktivnost koja može privremeno ili trajno degradirati kvalitet voda ili ometati poboljšanje njihovog postojećeg kvaliteta u postupku rada objekta definisanog tačkom 1. ovog Rješenja i ne oslobađa podnosioca zahtjeva obaveze pribavljanja vodne dozvole za zahvatanje vode i ispuštanje sanitarno-fekalnih otpadnih voda, a za čije izdavanje je nadležno Ministarstvo poljoprivrede, šumarstva i vodoprivrede Tuzlanskog kantona, odnosno nadležna općinska služba u skladu sa članom 139. stav (2) tačka 1. i 2. i stav (3) Zakona o vodama.
3. Vodna dozvola se daje na osnovu pregleda dostavljene dokumentacije, uviđaja na objektu, utvrđenog činjeničnog stanja i uz sljedeće uslove:
 - 3.1. Da se upotreba i korištenje predmetnog objekta za preradu ribe vrši u skladu sa njegovom prirodom i namjenom te u skladu sa dostavljenom dokumentacijom i uslovima iz ove vodne dozvole.
 - 3.2. Da se praktikuje suho čišćenje ribe prije obrade vodom (pranja) u cilju eliminisanja što veće količine soli.
 - 3.3. Tehnološke otpadne vode nastale u postupku pranja ribe, prostorija, radnih površina, opreme i pribora prikupljati u sabirni tank bez ispusta koji će se povremeno čistiti od strane ovlaštenog komunalnog preduzeća.
 - 3.4. Da se pražnjenje sabirnog tanka vrši redovno i kontrolisano u cilju spriječavanja rasipanja tečnog otpada po okolnom zemljištu.
 - 3.5. Čišćenje i pražnjenje vodonepropusnog sabirnog tanka može vršiti isključivo firma ovlaštena za tu vrstu djelatnosti, prema posebnom ugovoru. O načinu i vremenu pražnjenja, odvozu i zbrinjavanju sadržaja tanka neophodno je voditi evidenciju i istu po zahtjevu inspekcijskih organa staviti na uvid.
 - 3.6. Objekte čija je svrha odvođenje i prikupljanje otpadnih voda treba redovno održavati i koristiti na način koji će obezbijediti njihovu potpunu ispravnost i funkcionalnost.
 - 3.7. Da se otpad iz proizvodnje privremeno skladišti u odgovarajućim posudama, do konačnog zbrinjavanja od strane ovlaštenog preduzeća i u skladu sa važećom zakonskom regulativom.
 - 3.8. Ne dozvoljava se odlaganje na otvorenom prostoru i unošenje opasnog i neopasnog otpada, koji nastaje kao nus produkt u procesu rada predmetnog objekta u vodotoke i obale rijeka.

- 3.9. Investitor je obavezan pridržavati se svih mjera i uslova, propisanih u saglasnostima i dozvolama, izdatim od strane drugih nadležnih organa, a odnose se na korištenje i zaštitu voda i nisu u suprotnosti sa uslovima iz ove vodne dozvole.
4. U periodu važenja ove dozvole, Korisnik je dužan provoditi sve mjere i aktivnosti propisane istom.
 5. U slučaju vanrednih situacija, havarijskih onečišćenja i drugih sličnih okolnosti čime bi bio ugrožen kvalitet voda obavezno izvijestiti nadležne organe i postupati po nalogu mjerodavnih institucija te preduzimati hitne mjere i aktivnosti na sprečavanju širenja onečišćenja i na otklanjanju uzroka onečišćenja.
 6. Ukoliko usljed štetnog djelovanja voda nastalog zbog neizgrađenosti ili nedovoljne osposobljenosti (zaštitnih) vodnih objekata dođe do nastanka štete na predmetnom objektu obuhvaćenom ovom vodnom dozvolom, korisnik zaštitnih vodnih objekata nije odgovoran za nastale štete.
 7. Prava stečena po ovoj dozvoli ne mogu se prenositi na treća lica, a ista prestaju u skladu sa odredbama Zakona o vodama.
 8. Ukoliko prilikom upotrebe predmetnog objekta za koji se izdaje ova vodna dozvola dođe do promjene režima površinskih i podzemnih voda, a te promjene prouzrokuju štete ma kakvog karaktera, korisnik objekta je dužan uzroke štete otkloniti, a nastale štete nadoknaditi.
 9. U ovoj upravnoj stvari plaćene su sve upravne takse.
 10. Ova vodna dozvola, shodno članu 117. stav 1. Zakona o vodama se daje sa rokom važenja od 5 (pet) godina od dana pravosnažnosti ovog Rješenja.
 11. Prije isteka važnosti ove dozvole, korisnik je dužan da podnese zahtjev za izdavanje nove vodne dozvole.
 12. Ovo rješenje o vodnoj dozvoli može se izmjeniti ukoliko za to nastupe razlozi utvrđeni u članu 130. stav (1) tačka 1., 2., 3. ili 4. Zakona o vodama, a zainteresirane stranke podnesu argumentiran zahtjev za izmjenu ovog vodnog akta.

O b r a z l o ž e n j e

Pravno lice «BH FISH» d.o.o. Živinice, dana 02.08.2022., podnijelo je zahtjev za izdavanje vodne dozvole za aktivnost koja može privremeno ili trajno degradirati kvalitet voda ili ometati poboljšanje njihovog postojećeg kvaliteta u postupku rada objekta za preerađu ribe, izgrađenog u naselju Maline, na zemljištu označenom kao k.č. broj: 1053/3, K.O. Spreča, grad Živinice.

U provedenom postupku dostavljena je i pregledana sljedeća dokumentacija:

- Ovjerena kopija Aktuelnog izvoda iz sudskog registra od 15.10.2020. izdatog od Općinskog suda u Tuzli,
- Ovjerena kopija Uvjerenja o registraciji poreznog obveznika od 06.02.2018. izdatog od Porezne uprave FBiH-Kantonalni porezni ured Tuzla,
- Dokaz o uplaćenju upravnoj taksi,
- Detaljno obrazloženje od 28.07.2022.,
- Kopija Rješenja o ispunjavanju veterinarsko-zdravstvenih uslova za proizvodnju hrane životinjskog porijekla broj: UP-I-06-2-20/20-1189-3/20 od 07.09.2020. izdatog od Federalnog ministarstva poljoprivrede, vodoprivrede i šumarstva,
- Kopija Rješenja o ispunjavanju veterinarsko-zdravstvenih uslova za proizvodnju hrane životinjskog porijekla broj: UP-I-06-2-24/17-727-5/18 Č.N. od 07.09.2018. izdatog od Federalnog ministarstva poljoprivrede, vodoprivrede i šumarstva,
- Kopija Rješenja o upotrebnoj dozvoli broj: 05-23-2566/07 od 04.02.2008. izdatog od Službe za stambeno-komunalne i urbanističke poslove Općine Živinice,
- Kopija Rješenja o odobrenju za gradnju broj: 05/5-23-1997/06 od 24.07.2006. izdatog od Službe za stambeno-komunalne i urbanističke poslove Općine Živinice,
- Kopija Rješenja o vodoprivrednoj saglasnosti broj: 04-25-13059/04 od 24.10.2005. izdatog od Ministarstva poljoprivrede, šumarstva i vodoprivrede Tuzlanskog kantona,

- Kopija Ugovora zaključenog dana 04.12.2020 sa JP «VODOVOD I KANALIZACIJA» d.o.o. Živinice za pružanje komunalnih usluga (rad specijalnog vozila WOMA),
- Kopija Računa za isporučenu vodu i naknada za kanalizaciju za 06/2022 izdatog od JP «VODOVOD I KANALIZACIJA» d.o.o. Živinice,
- Kopije radnih naloga stroja za juni 2022. izdatog od JP «VODOVOD I KANALIZACIJA» d.o.o. Živinice,
- Kopija Ugovora o pružanju usluga odvoza i deponovanja smeća zaključenog dana 11.08.2021. sa «GEOSERVIS» d.o.o. Živinice,
- Dopuna projekta-usaglašavanje sa vodoprivrednom saglasnosti, broj: TD-2014/05, juli 2005., urađen od «FORMAPROJEKT» Tuzla (na uvid).

Nakon izvršenog uvida u dostavljeni zahtjev i priloženu dokumentaciju utvrđeno je da su uz zahtjev dostavljeni potrebni prilozi, te je ovaj organ u skladu sa odredbama Zakona o upravnom postupku pokrenuo postupak u ovoj upravnoj stvari.

U skladu sa članom 12. stav (5) i (6) Pravilnika o sadržaju, obliku i uvjetima i načinu izdavanja i čuvanja vodnih akata («Službene novine Federacije BiH», broj 31/15, 55/19, 41/20 i 63/22), izvršen je obilazak predmetnog objekta i tom prilikom je sačinjen Zapisnik o uviđaju broj: UP-1/21-3-40-392-3/22 od 29.09.2022. godine.

Na osnovu dostavljene dokumentacije i izvršenog uviđaja na licu mjesta utvrđeno je sljedeće:

- Objekat za preradu ribe izgrađen je u naselju Maline, grad Živinice. U objektu se vrši filetiranje ribe (inćuna) i pakovanje. Kapacitet prerade je 1t/8h.
- Riba se na preradu dovozi u buradima u soli. Riba se prije prerade rastresa čime se eliminiše višak soli. Izdvojena sol se odlaže u čvrsti otpad. Nakon toga se riba pere toplim i hladnim postupkom, te šalje na dalju preradu/filetiranje.
- Otpadne vode od pranja ribe, prostorija, radnih površina, opreme i pribora se prikupljaju sistemom slivnika i kanalizacione mreže i odvođe do prefabrikovanog sabirnog tanka $V=9 \text{ m}^3$ bez ispusta, koji se periodično prazni. Pražnjenje se vrši 2-3 puta dnevno od strane JP «VODOVOD I KANALIZACIJA» d.o.o. Živinice.
- Otpad iz procesa proizvodnje (sol, dijelovi ribe i kosti) se privremeno skladišti do konačnog zbrinjavanja od strane «GEOSERVIS» d.o.o. Živinice.
- Snabdijevanje vodom je obezbijeđeno sa gradskog vodovoda kojim upravlja JP «VODOVOD I KANALIZACIJA» d.o.o. Živinice.

Razmatrajući podneseni zahtjev, a na osnovu dostavljene dokumentacije i uviđaja izvršenog na predmetnom lokalitetu, a u svrhu smanjenja negativnih uticaja predmetnog objekta i aktivnosti na stanje voda i vodni režim, podnosiocu zahtjeva su ovom vodom dozvolom, u tački 3. dispozitiva ovog Rješenja, propisani uslovi u skladu sa članom 115. do člana 118. Zakona o vodama („Službene novine Federacije BiH”, broj 70/06) i članom 12. i 13. Pravilnika o sadržaju, obliku, uslovima, načinu izdavanja i čuvanja vodnih akata.

Tačka 4. dispozitiva rješenja je propisana u skladu sa tačkama 12. i 35. Pravilnika o načinu obračunavanja, postupku i rokovima za obračunavanje i plaćanje i kontrolu izmirivanja obaveza na osnovu opšte i posebnih vodnih naknada („Službene novine Federacije BiH”, broj 92/07, 46/09, 79/11 i 88/12) i Odlukom o visini posebnih vodnih naknada („Službene novine Federacije BiH”, broj 46/07).

Na osnovu provedenog postupka konstatuje se da je pravno lice «BH FISH» d.o.o. Živinice, ispunio minimum uslova za izdavanje vodne dozvole za aktivnost koja može privremeno ili trajno degradirati kvalitet voda ili ometati poboljšanje njihovog postojećeg kvaliteta u postupku rada objekta za preradu ribe, te je riješeno kao u dispozitivu ovog Rješenja.

Podnosilac zahtjeva je uplatio i posebne troškove shodno Zaključku ove Agencije, broj: UP-1/21-3-40-392-2/22 od 31.08.2022.

Podnosilac zahtjeva je uplatio upravnu taksu u iznosu od 70 KM u skladu sa Zakonom o izmjenama i dopunama zakona o federalnim upravnim taksama i tarifi federalnih upravnih taksi («Službene novine Federacije BiH», broj 06/98, 8/00, 45/10 i 43/13).


Uputa o pravnom lijeku:

Protiv ovog rješenja može se uložiti žalba Federalnom ministarstvu poljoprivrede, vodoprivrede i šumarstva u roku od petnaest dana od dana prijema Rješenja.

Žalba se predaje ovom organu neposredno ili preporučeno poštom. Žalba se taksira sa 15 KM administrativne takse prema tarifnom broju 3. Tarife federalnih administrativnih taksi.

Obrađivač akta: Sanja Miličić, građ.ing.

Po ovlaštenju:
Rukovodilac sektora za izdavanje
vodnih akata



Haris Ališehović, dipl.inž.građ.

Dostaviti:

- «BH FISH» d.o.o.
Maline bb, 75270 Živinice
- AVP Sava, ISV-vodna knjiga
- sektor 50
- sektor 40 – arhiva
- oglasna ploča – AVP Sava